



## ӘСКЕРИ-ӘУЕ КҮШТЕРІ ЖАҢА ҰШАҚТЫ СЫНАҚТАН ӨТКІЗДІ

Қазақстанның Әскери-әуе күштері жаңа А-400М ұшағын игеру және ұшуды жетілдіру бойынша қарқынды жаттығулар өткізуде. Бұл ұшақ еуропалық Airbus Military авиаконцернінен Қазақстан әскерінің қажеттіліктері үшін жеткізілген жаңа буын әуе кемелерінің қатарында.

Қазақстан Қорғаныс министрлігі мен еуропалық компания арасындағы келісімшарт тек ұшақ жеткізумен шектелмей, ұшу және инженерлік персоналдарды оқыту, сондай-ақ техникалық қолдау көрсету шараларын да қамтиды. Осы орайда, алғашқы ұшу оқу-жаттығулары Алматы авиациялық базасында Airbus Military мамандарының қатысуымен жүзеге асырылды. Әскери экипаж Алматы-Талдықорған бағыты бойынша және кері қайту маршрутында ұшу жаттығуларын орындады.

Қазақстан Республикасының Қарулы күштері мен десантты-шабуылдау әскерлері басқармасы әуе-десанттық дайындық бөлімінің аға офицері, подполковник Руслан Берікұлы Шажалиев, А-400М ұшағының Қазақстан қарулы күштері үшін стратегиялық маңызын атап өтті:

– Бұл ұшақ ең алдымен Қазақстан Республикасының қарулы күштеріне арналған, себебі заманауи қарулы күштерге жедел әрі тиімді шешім қабылдайтын құралдар қажет. А-400М ұшағының жүк көтеру қабілеті жоғары және жеке құрамды десант әдісімен немесе қону әдісімен тасымалдауға мүмкіндік береді. Мәселен, бір уақытта 120 десантшыны тасымалдай алады. Сонымен қатар, бұл ұшақ әртүрлі техника мен қару-жарақты, оның ішінде шағын және шектеулі алаңдарда қажетті жүктемелерді тасымалдауға қабілетті. Оның ең үлкен артықшылығы – арнайы дайындалған ұшу-қону жолағын талап етпейді.

Ұшақ ұзындығы небары 900 метр болатын топырақ немесе дайындалған алаңдарда да ұша алады. Осыған байланысты біз бұл ұшаққа десантты-шабуылдау әскерлерінде қолданылатын парашют жүйелерін бейімдеу жұмыстарын бастадық, – дейді.

(Жалғасы 3-бетте)

(Жалғасы 5-бетте)

## БҮГІНГІНІҢ БАС ТАҚЫРЫБЫ

# XXXII Қысқы Универсиада: ҚАЗАҚСТАН АЗИЯДАҒЫ ҮЗДІК ҮШТІККЕ ЕНДІ



Қазақстан Италияда өткен XXXII Қысқы Универсиада ойындарында Азия құрлығынан Корея мен Жапониядан кейінгі үздік үштікке кірді.

## МІНБЕР

# ҚАЗАҚ ТІЛІНІҢ ҰЛТТЫҚ КОРПУСЫ ҚҰРЫЛМАҚ

Бұл тіліміздің барлық стилдері мен жанрларының мәтіндерін қамтып, оларды өңдеу, генерациялау және талдау үшін жасанды нейрондық желіге негізделген тіліміздің сөздік қорына қолжетімділікті қамтамасыз ететін ақпараттық-танымдық жүйе болмақ. Жоба толық іске асса, Терминкомның тізімін теріп, сөздіктер ақтарып отырмайсыз, ұлттық сөздік қор қазақ тілінің бас анықтамалығы сияқты болады. Бұл қазақ тілінің бай лексикалық құрамын жүйелеуге, сақтауға, зерттеуге мүмкіндік береді және цифрлық ортада қолданылу аясын ерекше арттырады.

Парламент Сенатының жалпы отырысында мақұлданған «Қазақстан Республикасының кейбір заңнамалық актілеріне мәдениет, білім беру және тәлімгерлік мәселелері бойынша өзгерістер мен толықтырулар енгізу туралы» заңның негізгі жаңалығы осы болып отыр.

Бұл құжат Сенат депутаттарының бастамашылығымен дайындалыпты. Жиында құжатты қорғаған сенатор Алтынбек Нұқұлының айтуынша, аталмыш түзетулер, қазақ тілін

мәдени құндылық ретінде әрі қарай дамытуға мүмкіндік беріп, мемлекеттік тіл ретінде мәртебесін нығайтады. Ал, заңның бастамашыларының бірі сенатор Әсем Рахметованың айтуынша, Ұлттық сөздік қор мен Ұлттық тіл корпусының құрылуы арқасында лексикалық қор жүйеленетін болады. Жасанды интеллект негізінде қазақ тілінің үлкен тілдік моделі (LLM) әзірленіп, мұнымен айналысатын арнайы ұйым белгіленеді. Бүгінгідей озық цифр-

лық технологиялар дамыған уақытта аталған жаңашылдық ерекше маңызға ие.

Халық қалаулылары бұл корпусстың қаншалықты тиімді жұмыс істейтіндігін және ұлттық сөз қорын құрумен кім айналысатындығын білгісі келді. Олардың сауалына жауап беру барысында Ғылым және жоғары білім вице-министрі Ахмет-Заки Дархан Жұмаханұлының сөзінен түйгеніміз, 3-4 жылдан бері Ұлттық тіл корпусы Ахмет Байтұрсынұлы атындағы Тіл білімі институты аясында қалыптастырылып жатыр екен. Оған қажетті қаржы да бөлінген. Соның арқасында бүгінде 120 миллионнан астам сөз қолданысқа енгізіліпті. Бұл ретте қазақ тілінің бүкіл орфографиялық ережелері ескерілді. Сондықтан Ұлттық сөз корпусы еліміздегі ең таза әдеби тұрғыда қалыптасқан сөздік қоры деп есептеледі.

Келесі қадам ұлттық тілдің нейрондық моделін құру. Бұл қалыптасқан сөздік қордағы жиналған сөздік қорды пайдаланып, үйретуге мүмкіндік береді. Қазіргі таңда бұған да қаржы бөлініп, қажетті іс шаралар жүзеге асып жатыр. Игілікті іске консорциум негізінде біршама университеттер атсалысуда. Ұлттық сөз корпусының операторы осы жұмысты 3-4 жылдан бері атқарып жатқан Шайсұлтан Шаяхметов атындағы «Тіл-қазына» ұлттық ғылыми-практикалық орталығы.

Ал, Цифрлық даму, инновациялар және аэроғарыш өнеркәсібі министрлігі өкілінің айтуынша, қазақ тілінде жұмыс істейтін жасанды интеллекті дамыту бұл шарадағы ең негізгі қадамдардың бірі. Былтыр жылдың аяғында өзіміздің ұлттық тілдің үлкен моделі әзірленді. Осы жылдың аяғына дейін 50-ден астам жасанды интеллект көмекшілер әзірленетін болады.

Қаралған құжат бойынша сонымен қатар жетім және ата-анасының қамқорлығынсыз қалған балаларға арналған тәлімгерлік институтын реттеу үшін «тәлімгерлік жөніндегі ұйым» ұғымы енгізіледі.

(Жалғасы 3-бетте)

2-бет



Негізсіз баю бойынша істерді қарау тәжірибесі

5-бет



Әуежайлар әлеуеті жоғары

8-бет



«LION SHADOW» БОКЕ...



БҮГІНГІНІҢ БАС ТАҚЫРЫБЫ

## XXXII Қысқы Универсиада: ҚАЗАҚСТАН АЗИЯДАҒЫ ҮЗДІК ҮШТІККЕ ЕНДІ

(Соңы. Басы 1-бетте)

17-мен 25 жас аралығындағы студент спортшылар қатысатын бұл байрақты бәсеке мәртебесі жағынан спорттық жарыстар ішінде Олимпиада ойындарынан кейін екінші орында тұр. Сол себепті 96 медаль жиынтығы сарапқа салынған жарысқа 57 елдің 2 мыңнан астам үміткері қатысты.

республикалар арасында Украинадан (10) кейінгі ең жоғары нәтижеге жетті.

Биылғы Қысқы Универсиада ойындарында Қазақстан құрамасының қаһарманы фристайлшы Анастия Городко болды. Ол могул мен параллель могулда ел қоржынына 2 бірдей алтын жүлде салды. Ол осы жарыстың алдында Алматыда өткен жасөспірімдер арасындағы

лышы Антон Бондарев пен Аяулым Әміренова әкелді. Бір қызығы Универсиаданың қола жүлдегерлері арасында бір өзі екі рет үздіктер туғырына көтерілген спортшылар болды. Мәселен, жекелей сында шаңғышы Роман Курбанов, ал командалық сында шорт-трекшілер Дінмұхамедалдияр Тәжібай мен Валерий Клименко аралас эстафеталық және командалық жарыста қола жүлдегер атанды.

Бұдан қөлек жекелей сында биатлоншылар Кирилл Бауэр мен Арина Крюкова, мәнерлеп сырғанаушы София Самоделькина үздіктер қатарынан көрінді. Ал ерлер арасындағы командалық сында – Санжар Жанисов, Алишер Абулкатимов, Валерий Клименко, Айбек Темірхан, Дінмұхамедалдияр Тәжібай және аралас эстафета бойынша Алина Ажғалиева, Малика Ермек, Яна Хан, Валерий Клименко, Дінмұхамедалдияр Тәжібай ел қоржынына түскен қола жүлденің иелері атанды.

Еліміз 2023 жылы АҚШ-та өткен XXXI Қысқы Универсиадада 3 алтын, 4 күміс, 4 қоламен 43 елдің арасынан 11-орын алған еді. Ал Ұлттық құраманың ең жоғарғы көрсеткіші 2017 жылы Алматыда болған жарыста тіркелген болатын. Онда 11 алтын, 8 күміс, 7 қоламен жалпыкомандалық есепте екінші орын алғанбыз.

Осы арада биылғы Қысқы Универсиада ойындарында қысқы спорттан әлемдегі ірі державалар саналатын Норвегияның -13, Қытайдың-16, Канаданың -18, Ұлыбританияның -19, АҚШ-тың -23, Нидерландының -24. орын алғанын да айта кеткен жөн шығар. Ал көршілес және Орталық Азиядағы Өзбекстан, Қырғызстан, Тәжікстан, Түрікменстан, Иран, Әзірбайжан сияқты елдерде мүлде медаль жоғын ескерсек көрсеткішіміз бір сатыға төмендегенмен, нәтижеміз әлі де көңіл қуантады.

Ерлік ЕРЖАНҰЛЫ,  
«Заң газеті»



Жалпы командалық есепте 57 елдің ішінен 18 алтын, 8 күміс, 14 қоламен Франция құрамасы жеңімпаз атанды. 8 алтын, 6 күміс, 6 қола медалі бар Корея Республикасы екінші орынды, 8 алтын, 3 күміс, 4 қоламен Финляндия 3-орынға, 7 алтын, 8 күміс, 4 қоламен Жапония 4-орынға ие болды. Ал 3 алтын, 4 күміс, 7 қоламен Қазақстан 12-орыннан көрінді. Бұл байрақты бәсекеде еліміз бұрынғы кеңестік

Әлем чемпионатында күміс жүлдегер атанған еді. Ал үшінші алтынға биатлоншы Никита Акимов 10 шақырымдық жарыста ие болды.

Күміс жүлдегерлер арасында да бұл жолы оза шапқандар бар. Ол парашаңғышы Денис Зинов. Отандасымыз классикалық бір шақырымдық жарыста және жеке 10 шақырымдық еркін стильдегі жарыста қос бірдей күмістің иегері атанды. Келесі «күмісті» фристайл-

ШАРАПАТ

Астанада жыл сайын отбасыларға берілетін балалар саны артып келеді. Соның арқасында елордадағы интернат мекемелеріндегі балалар саны соңғы үш жылда 35 пайызға азайған. Бұл көрсеткіштерге жетім балалар мен ата-анасының қамқорлығынсыз қалған балаларды отбасыларға орналастырудың баламалы тәсілдерін дамыту бойынша жүйелі жұмыстың арқасында қол жеткізілді.



## ЖЕТІМ БАЛАЛАР ҚАМҚОРЛЫҚ АЯСЫНДА

Қазіргі таңда елордада 800-ден астам жетім және ата-анасының қамқорлығынсыз қалған бала тұрады, олардың 170-ке жуығы – интернат мекемелерінде.

Ата-анасының қамқорлығынсыз қалған балалар мен өмірлік қиын жағдайдағы балаларды анықтау ведомствоаралық өзара іс-қимыл арқылы жүзеге асырылады. Мұндай жағдайлар туралы білім беру және денсаулық сақтау ұйымдары, атап айтқанда, үйде қызмет көрсету қызметтері, полиция инспекторлары және жеке тұлғалар қорғаншылық және қамқоршылық органына хабарлайды. 2024 жылы Астанада 230-ға жуық жетім және ата-анасының қамқорлығынсыз қалған бала анықталып, есепке алынды. Анықталған балалардың 85 пайызы патронаттық отбасыларға беріліпті.

Қорғаншылық және қамқоршылық органдарының мамандары

балалардың құқықтары мен заңды мүдделерін қорғауды қамтамасыз ету мақсатында күнделікті сот процестеріне қатысады. Мәселен, былтыр 1300-ден астам осындай сот процестері өтті. Кәмелетке толмағандардың істері жөніндегі мамандандырылған ауданаралық сотта мамандар балаларды тәрбиелеуге, асырап алуға, қарым-қатынас тәртібін айқындауға, балалардың тұрғылықты жеріне, ата-ана құқығынан айыруға және шектеуге, балаларды іріктеп алуға байланысты мәселелер бойынша, басқа соттарда (қылмыстық, экономикалық, әскери, азаматтық істер бойынша ауданаралық, апелляциялық сатыдағы, әкімшілік) мәселелер бойынша отырыстарға қатысады, онда кәмелетке толмағандардың мүдделері қозғалады.

А.ҚҰРМАНҒАЛИ,  
АСТАНА

ОРТАҚ МҮДДЕ

## ШЫМКЕНТТЕ ЖАҢА НЫСАНДАР АШЫЛДЫ

Жуырда Шымкент қаласында екі бірдей нысан пайдалануға берілді. Балалардың бос уақытын тиімді пайдаланып, спортқа баулу мақсатында ашылған нысандарда жасөспірімдерге спорт түрімен шұғылдануға қолайлы жағдай жасалған. Жаңа нысандардың ашылуына қала әкімі Ғабит Сыздықбеков қатысты.



Атап өтер болсақ, Шымкентте №15 Жекпе-жек түрлерінен кешенді олимпиада резервінің мамандандырылған балалар-жасөспірімдер спорт мектебі ашылды. Мегалполис басшысы жаңа ғимаратты аралап, спорт мектебінің қызметкерлерімен кездесті. Сонымен қатар осындай маңызды жобаларды жүзеге асыру жастар арасында спортты дамытуға және салауатты өмір салтын қалыптастыруға мүмкіндік беретінін атап өтті.

Айта кету керек, спорт мектебі республикалық және халықаралық жарыстарда жоғары нәтижелерге қол жеткізген майталман спортшыларды тәрбиеледі. Олардың ара-

сында Елена Шалыгина мен Софья Берульцева бар.



Раушан НАРБЕК  
ШЫМКЕНТ

МІНБЕР

## ҚАЗАҚ ТІЛІНІҢ ҰЛТТЫҚ КОРПУСЫ ҚҰРЫЛМАҚ

(Соңы. Басы 1-бетте)

Сондай-ақ тәлімгер болуға үміткер адамдардың тәлімгерлік бойынша оқытудан міндетті түрде өтуі негізделіп, тәлімгерлік бойынша оқытуды ұйымдастыратын ұйымдардың құқықтары мен міндеттері айқындалды. Бұдан басқа, білім беру саласындағы уәкілетті органның өз құзыреті шегінде стратегиялық, реттеу, іске асыру және бақылау-қадағалау функцияларын жүзеге асыру жөніндегі құзыреті белгіленеді.

Бүгінде елімізде жетім балалар мен ата-анасының қамқорлығынсыз қалған балаларға арналған 77 білім беру ұйымында 2962 бала тәрбиеленіп жатыр. Алайда оларда тек 330 тәлімгер бар. Сенатор Әсем Рахметованың айтуынша, заңда қарастырылған өлшемдер осы балаларымыздың құқығын қорғаудағы тағы бір сәтті қадам. Алайда, тәлімгерлік бойынша оқытатын ұйымдардың қалай жасақталып, оларды кімдер бақылайтындығы алаңдатады. Заң жобасында белгіленген талап бойынша бұл жұмыспен коммерциялық емес мекемелер шұғылданады екен. Олар кімдер және бәрінің біліктілігі талапқа сай ма? Сенаторлар құзырлы орын өкілінен осы сауалға жауап алғысы келді.

Оқу-ағарту вице-министрі Наталья Жұмаділдаеваның айтуынша, тәлімгерлерді таңдауды қамтамасыз ететін 2 ұйым бар екен. Бірі республикалық «Балаларды қолдау» ұйымы. Екіншісі 2013 жылдан бері жұмыс істеп, осы жобаны табысты түрде жүзеге асырып келе жатқан «Дара» коммерциялық емес мекемесі. Бұл ұйым тиісті заңдық өлшем қабылданған 2024 жылға дейін 2285 балаға тәлімгерлік көрсетіпті. Бұлар қамқоршылыққа да алынбаған, асырауға да берілмеген балалар. Осы құжат бойынша қарастырылған норма аталмыш ұйымның 10 жылдан астам уақыт жасап келген жұмысына негізделіп ұсынылыпты. Заң қабылданса, осы нормативтерге сүйеніп, тәлімгерлікке ынта танытқан ұйымдар тізімі жасалады. Олардың сапасына қатысты да нақты талаптар заң жүзінде айқындалған.

Жаңа құжатта сонымен қатар дарынды оқушыларды мемлекеттік қолдау және олардың ғылыми қызметін ынталандыру үшін халықаралық ғылыми жобалар конкурстарының жеңімпаздары мен жүлдегерлеріне конкурстан тыс мемлекеттік білім гранттарын беру жөніндегі өлшем да бар. Палата отырысын жүргізген Сенат төрағасы Мәулен Әшімбаевтың айтуынша, халықаралық олимпиадалар мен конкурстарда жеңіске жеткен дарынды оқушыларға «Болашақ» бағдарламасы арқылы үздік шетелдік жоғары оқу орындарында білім алу мүмкіндігі қарастырылды. Заң бойынша халықаралық ғылыми жобалар мен олимпиадалардың жеңімпаздары жоғары оқу орындарына гранттар иеленіп, «Болашақ» бағдарламасы аясында бакалавриатқа түсе алады. Бұл шаралар жастардың білімге ұмтылысын арттыруға, болашағынан ерекше үміт күттіретін, өзгеше ойлап, ертеңіне сеніммен өсіп келе жатқан дарынды жастарымызды қолдауға бағытталған.

А.ТҰРМАҒАНБЕТОВА,  
«Заң газеті»

ПӘРМЕН

Ел Конституциясында адам құқығы мен бостандығына кепілдік берілген. Ешкімді азаптауға, зорлық-зомбылық жасауға, адамдық қадір-қасиетін қорлайтындай жәбір көрсетуге не жазалауға болмайды.

ЖАЗАНЫ ҚАТАҢДАТУ ЖАУАПТЫЛЫҚТЫ КӨТЕРЕДІ



2024 жылы 15 сәуірде «Қазақстан Республикасының кейбір заңнамалық актілеріне әйелдердің құқықтары мен балалардың қауіпсіздігін қамтамасыз ету мәселелері бойынша өзгерістер мен толықтырулар енгізу туралы» заң қабылданды.

Сонымен қатар, зорлық-зомбылықта қылмыстық құқық бұзушылық жасаған адамның мінез-құлқына ерекше талаптар белгіленген кезде жәбірленушінің және отбасы мүшелерін күзету және қорғау үшін сот ерекше жағдайларда 30 тәулікке дейінгі мерзімге зорлық-зомбылық қолданып қылмыстық құқық бұзушылық жасаған адамға жәбірленушімен бірге тұруға тыйым салу түріндегі құқықтық ықпал ету шарасын қолдануға құқылы.

үшін ішкі істер органдарына әкелу міндеті жүктелуі мүмкін екендігі ескеріледі.

Сонымен қатар, кодекс 108-1, 109-1-баптарымен толықты. ҚК-нің 108-1-бабы бойынша денсаулыққа қасақана жеңіл зиян келтіру 200 АЕК мөлшерінде айыппұл салуға не сол мөлшерде түзеу жұмыстарына не 200 сағатқа дейінгі мерзімге қоғамдық жұмыстарға тартуға не 50 тәулікке дейінгі мерзімге қамауға алуға жазаланады.

Осы санаттағы істер бойынша Қызылорда қаласының №2 сотына 2024 жылдың 12 айында 9 іс қаралып, оның 5-еуі бойынша жәбірленушімен татуласуына байланысты қылмыстық іс қысқартылды. 1 іс прокуратураға кері қайтарылған. 1 іс бойынша сотталушыға іздеу жарияланған. Сот үкімімен 2 іс бойынша қоғамдық жұмысқа тарту, 1 іс бойынша 30 АЕК мөлшерінде айыппұл салу түріндегі жаза тағайындалды.

ҚК-нің 109-1-бабында, яғни, дене ауруына ұшыратқан, бірақ денсаулыққа жеңіл зиян келтірмеген ұрып-соғу немесе өзге де күш қолдану әрекеті үшін 80 АЕК мөлшерінде айыппұл салу не сол мөлшерде түзеу жұмысы не 80 сағатқа дейінгі мерзімге қоғамдық жұмысқа тарту не 25 тәулікке дейінгі мерзімге қамауға алу жазасы көзделген. Бұл санат бойынша Қызылорда қаласының №2 сотында былтыр 27 іс қаралып, оның 14-і бойынша жәбірленушімен татуласуына байланысты қылмыстық іс қысқартылса, 4 іс бойынша қоғамдық жұмысқа тарту, 6 іс бойынша айыппұл салынды.

Яғни, ұрып-соғып, денсаулығына зиян келтірген адамға берілетін жаза қатаң. Соның нәтижесінде қоғамда жиі орын алып жатқан келеңсіз жайттарға тосқауыл қойылып, жауаптылықтың артатынына сенім мол.

Т.ТЕМІРБАЕВ, Қызылорда қаласы №2 сотының судьясы

ПАЙЫМ

СУДЬЯ КӨМЕКШІСІ – ҚАЖЕТТІ БАСТАМА

Әділетті Қазақстан құру – бүгінгі мемлекеттің басты бағдары. Ал мұндай межеге жету үшін заң мен тәртіп қатаң сақталып, қоғамның әділдікке, теңдікке деген сенімі нығайып келеді.

Жалпы, судья көмекшісі институтын құру, жұмысын жандандыру бойынша іс-шаралар бұған дейін де көпшілік назарына ұсынылған. Оның заңдық тетігі Азаматтық процесстік кодексінен де орын алды. Кезінде осы бағытта ізденістер жасалып, судья көмекшісі пилоттық жоба ретінде кейбір соттарда жүзеге асқан болатын.

Шын мәнінде, судья көмекшісі институтының артықшылығы аз емес. Бұл институтты қолдануға енгізу ең алдымен судьялардың жұмысын жеңілдетеді.

дың уақыт өткен сайын артып бара жатқаны мәлім. Құқықтық мәселелердің сот алаңында шешілгені заңды болғанымен, жүктеменің көптігі судьяларға үлкен салмақ. Шамадан тыс жүктеме түрлі қателіктерге жол ашуы мүмкін. Осы ретте судья көмекшісі институтының енгізілуі қазыларды көптеген көзге көріне бермейтін ұсақ жұмыстардан құтқарар еді. Судья көмекшісі сот актілерінің (шешім, ұйғарым, қаулы) жобаларын дайындауға көмектескен жағдайда, судьяның аса күрделі істерді қарау ісіне мұқият көңіл бөлуіне мүмкіндік туады.

Судья көмекшісі институты өмірін сот саласымен байланыстырып, су-

дья болуды армандаған жандар үшін кәсіби қабілетін жетілдіруге берілген үлкен мүмкіндік. Сонымен қатар, республика соттарында шешімін таппай келе жатқан бос вакансиялар орнын сауатты, сапалы мамандармен толықтырудың таптырмас тетігі. Әрине, сот жұмысының қыр-сырын меңгеріп, білім ордасында алған теориялық білімін тәжірибе барысына терең шыңдаған, білікті судьялардың тәлімін көрген көмекшілерден ертең мықты судья шығарына сенім мол.

Судьялардың көмекшілерін тек техникалық жұмысты орындай алатын қызмет көрсету персоналы ретінде қабылдауға болмайды. Олар істің қолда бар материалдарын дұрыс талдай білуі, нормативтік-құқықтық құжаттарды іріктеу мен талдауды кәсіби түрде жүзеге асыра білуі тиіс. Судья көмекшісінің сот отырысы хатшысынан айырмашылығы, көмекші процесстің қатысушысы болмай, судьяның кәсіби функцияларын орындауына өз жұмысымен жәрдемдесуі тиіс. Және судья көмекшісі істі қарауға дайындау бойынша негізгі жұмысты орындауы керек. Осы тұрғыдан алғанда судья көмекшісі институтын енгізу – бүгінгі заманның талабы.

Шолпан ИСМАГАНБЕТОВА, Меркі аудандық сотының судьясы ЖАМБЫЛ ОБЛЫСЫ

ОҢ ҚАДАМ

ЖЕДЕЛ ЖӘРДЕМ КӨЛІГІ КӨБЕЙДІ

Елордамыз Астанада Жедел жәрдем қызметінің сапасын арттыру үнемі назарда. Бұл сала үшін маңыздысы жеткілікті көлік саны және оның техникалық қуатында болуы.

«Жедел жәрдем қызметкерлері тұрғындарымызға алғаш болып медициналық көмек көрсетеді. Олардың жұмысы өте ауыр әрі жауапты. Дегенмен, тұрғындар тарапынан жедел медициналық жәрдем станциясының жұмысына, әсіресе станцияның автопаркіне негізделген шағымдар түседі. Мәселен, жедел жәрдем станциясының автопаркі 146 автокөліктен тұрады. Олардың бір бөлігі жөндеуді қажет етеді. Биыл автокөлік санын

жұмысына, әсіресе станцияның автопаркіне негізделген шағымдар түседі. Мәселен, жедел жәрдем станциясының автопаркі 146 автокөліктен тұрады. Олардың бір бөлігі жөндеуді қажет етеді. Биыл автокөлік санын

арттыру үшін 47 жедел жәрдем машинасы сатып алынды.

Мемлекет басшысы денсаулық сақтау жүйесін дамыту, дәрігерлерге жан-жақты қолдау көрсету мемлекеттің басым міндеттерінің бірі екенін ерекше атап өтті. Елорда әкімдігі алдағы жылдары Астанада бірқатар денсаулық сақтау нысанын, оның ішінде перинаталдық орталықтар, емханалар, көпбейінді ауруханалар, олардың бірі – балалар ауруханаларын салуды жоспарлап отыр.

А. ҚҰРМАНҒАЛИ, АСТАНА

ПАЙЫМ

МЕМЛЕКЕТТІК ТІЛ – СОТ ЖҮЙЕСІНІҢ МАҢЫЗДЫ ҚҰРАЛЫ

Мемлекеттік тіл – еліміздің егемендігі мен біртұтастығының нышаны, ұлттық мәдениет пен руханияттың тірегі. Сот жүйесінде мемлекеттік тілді қолдану азаматтардың құқығы мен мүддесін қорғау үдерісін жеңілдетеді және олардың сотқа деген сенімін арттырады.

Соттар мемлекеттік тілдің қолдану аясын кеңейту мақсатында жүйелі түрде жұмыс жүргізуі тиіс. Бұл бағытта сот қызметкерлеріне тілдік курстар ұйымдастыру, іс қағаздарын мемлекеттік тілде жүргізуді қамтамасыз ету және мемлекеттік тілде заң терминологиясын жетілдіру басты назарда болуы қажет.

Ал азаматтар сотқа, басқа органдарға, заңгерге не медиаторға барғанда, алдымен мемлекеттік тілде сөйлесіп, сол тілде жауап алуы керек. Өз ойын өз тілінде жеткізу әркімге оңай. Мысалы, азаматтар заңгерге өз тілінде талабын айтса, заңгер де оған мемлекеттік тілде қажетті түсіндірме беріп, құқықтық көмек көрсетсе, сот алдында өз мүддесі үшін жеңіске жету оңай болар еді.

Сот шағымдар мен арыздар қай тілде түссе, істі сол тілде жүргізеді. Мысалы, тергеуші қылмыстық істі орыс тілінде бастаса, сот іс жүргізу тілін қазақ тіліне ауыстыра алмайды немесе арыз орыс тілінде берілсе, іс жүргізу де сол орыс тілінде жүргізіледі. Сондықтан сот процесіне қатысушы әрбір азамат арызды қай тілде беруіне байланысты мемлекеттік тілге деген жанашырлығын да білдіреді.

Соттар мемлекеттік тілде жұмыс жүргізуде ел Конституциясын, «Тіл туралы» заңды, сондай-ақ «Сот жүйесі және судьялардың мәртебесі туралы» заңды басшылыққа алады. Бұл заңдарда мемлекеттік тілдің мәртебесі, оны қолдану тәртібі және қоғамдағы рөлі айқындалған. Сонымен қатар, сот жүйесінде мемлекеттік тілді дамытуға қатысты Жоғарғы Соттың нұсқаулары мен ұсыныстары да маңызды рөл атқарады.

Мемлекеттік тілдің мүддесін қазіргі қолданыстағы заңдарға сүйеніп, заңды жолмен қорғау – бүгінгі күн талабы. Президент Қасым-Жомарт Тоқаев: «Мемлекеттік тілді білу – әрбір азаматтың парызы. Бұл – елдің бірлігі мен тұтастығының кепілі», – деді. Сондықтан сот жүйесі мен заң саласында мемлекеттік тілді қолдану тек ресми талап қана емес, сонымен қатар, әрбір құқық қорғаушының ел алдындағы жауапкершілігі деп түсінуіміз керек.

А.САПАРКУЛОВ, Ақтау қаласы мамандандырылған тергеу сотының судьясы МАҢҒЫСТАУ ОБЛЫСЫ



ПІКІР

ТҮЙІН ЖЕРДЕ – СӨЗ ТАПҚЫШ

«Қиын жерде – жол тапқыш, Түйін жерде – сөз тапқыш» дегендей, тіл адамға жол бағыттаиды. Тілдің құдіреті шексіз. Ойыңдағы, қиялыңдағы нәрсені тілмен айтып жеткізу өте қиын. Сөзден сөз шығару әркімнің қолынан келе бермейді және шығарғандардың бәрі бірдей жақсы бола бермейді.

Тіліміз сөзге бай. Соны ауызекі тілдескенде ғана емес, құжаттар дайындауда да сауатты қолдана білгеннен ұтарымыз көп. Сонымен қатар мемлекеттік тілдің іс жүргізу бағытына да тоқтала кетейік. «Іс қағаздарын мемлекеттік тілде жүргізу» кітабында «Мемлекеттік тіл мемлекеттің бүкіл аумағында қоғамдық қатынастардың барлық саласында қолданылатын мемлекеттік басқару, заң шығару, сот ісін жүргізу және іс қағаздарын жүргізу тілі екені аян. Сондықтан Қазақстан халқын топтастырудың аса маңызды факторы болып табылатыны мемлекеттік тілді меңгеру әрбір Қазақстан Республикасы азаматының парызы болып табылады» делінген. Кітапта қазақ ресми іс қағаздарының қалыптасу кезеңдерінің тарихы «Жеті жарғы» туралы да түсініктемелер берілген. Онда: «Жеті жарғы – Төле, Қазыбек, Әйтеке сынды данагөй билердің қатысуымен жа-

зылған көшпелі қазақтардың ел билеу заңы» екені көрсетілген. Сонымен қатар «Ресми құжатқа тән белгілер: мазмұнының қысқа әрі тұжырымды баяндалуы; тұжырымдардың дәл, нақты болуы; сөздер мен терминдердің нақты тура мағынасында пайдаланылуы; терминдер мен тұрақты орамдардың бірегейлігі; терминнің қолдану жиілігі; жоғары қалыптасқан мазмұндық-құрылымдық нормалардың қатаң сақталуы» делінген. Сонымен қатар әр сала бойынша жасақталған термин сөздіктерді пайдалана отырып, қысқа сөздің ішіне ойды толық жеткізу арқылы хат алмасулар мекеме мамандарының жоғары біліктілігін көрсететіні сөзсіз.

Г.ХОДЖАБЕКОВА, Маңғыстау облысы кәметке толмағандар істері жөніндегі мамандандырылған ауданаралық сотының жетекші маманы







